



Prva tuzlanska bolnica „Hastahana“
izgrađena 1874. godine, sa deset kreveta.
(Autor fotografije: Faruk Ibrahimović, 1974. godina)

Organizovana javna zdravstvena zaštita u Bosni počinje tek u 18. stoljeću, a u Tuzli krajem osmanskog perioda. Prva tuzlanska bolnica, u narodu poznata kao „Hastahana“, otvorena je u jesen 1874. godine.

Dolaskom austrougarske vlasti „Hastahana“ nije imala kapacitet da primi sve pacijente pa su obezbijeđena sredstva za izgradnju nove bolnice većih kapaciteta. Nova općinska bolnica sagrađena ispod naselja Borić i Kojšino, sa radom je počela 1. jula 1886. godine. Bolnica je mogla primiti 30 bolesnika, a po potrebi i 37. Bila je to prva izgrađena bolnica u Bosni i Hercegovini za vrijeme austrougarske uprave.


Mreža bolničkih ustanova je stvarana na cijelom prostoru Bosne i Hercegovine. Osim općinskih postojale su i kotarske bolnice, ambulante i Zemaljska bolnica u Sarajevu. Sve bolnice su bile opskrbljene potrebnim spravama, posteljinom, instrumentima i drugim pomagalicama, u kojima je radio najmanje jedan općinski ili kotarski liječnik.

U Tuzli je postojala i Garnizonska bolnica na Gradini, koja je oformljena za potrebe vojske u kojoj je radio lekar dr. Ignatius G. Petelenz (1860-1876). U Tuzli je 1909. godine prvu privatnu bolnicu, odnosno sanatorijum osnovao dr. Risto Jeremić, hirurg.


Za potrebe banjskog liječenja u Tuzli je 1914. godine izgrađena Slana banja.

Broj liječenih osoba u kotarskim bolnicama progresivno se povećavao, pa je 1895. godine liječeno 11.389 osoba, a 1905. godine 33.607 osoba, što znači da se broj liječenih osoba povećao za dva puta. Također se povećao i broj liječenih osoba u ambulantomama, u kojima se 1897. godine liječilo 10.077 bolesnika, a 1905. godine 76.815 bolesnika. Velika pomoć za siromašno stanovništvo je bila i praksa da su se uz ambulante osnivale i kućne apoteke gdje su se siromašnim bolesnicima izdavali besplatni lijekovi.

Zdravstvena zaštita



Situacioni plan Općinske bolnice sa pomoćnim objektima u Tuzli iz 1907. godine, sa ucrtanim hiruškim paviljonom koji do 1918. godine nije izgrađen. (ATKT, SO Tuzla)



Zakon o obezbjeđenju sredstava za izgradnju Slane banje u Tuzli.
(Glasnik zakona i naredaba za Bosnu i Hercegovinu 1912. godina)

Apoteka u
Konak ulici,
pored hotela
Grand.
(ATKT,
FTG Z)



Objekat Slane banje izgrađen u Tuzli 1914. godine. (ATKT, FTG Z)